

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

KPDNHEP DAN PAKEJ PERLINDUNGAN RAKYAT DAN PEMULIHAN EKONOMI (PEMULIH)

PUTRAJAYA, 30 Jun 2021 – Kementerian Perdagangan Dalam Negeri dan Hal Ehwal Pengguna (KPDNHEP) menyambut baik pembentangan Pakej Perlindungan Rakyat dan Pemulihan Ekonomi (PEMULIH) oleh YAB Tan Sri Dato' Haji Muhyiddin bin Haji Mohd Yasin, Perdana Menteri Malaysia pada 28 Jun 2021.

Pakej Bantuan kali ini lebih menyeluruh yang tertumpu kepada tiga fokus utama iaitu Meneruskan Agenda Prihatin Rakyat, Menyokong Perniagaan dan Meningkatkan Vaksinasi.

KPDNHEP amat menghargai keprihatinan kerajaan yang komited membantu rakyat meringankan beban kos sara hidup dengan meneruskan dasar pengawalan harga barangan perlu. Antaranya pengekalan harga runcit bagi petrol RON95, diesel dan LPG yang melibatkan subsidi melebihi RM 6 bilion ringgit setahun.

Kementerian akan meneruskan dasar kawalan dan harga barang keperluan dan meningkatkan penguatkuasaan sedia ada yang ternyata berkesan seperti yang terbukti sepanjang PKP tanpa sebarang insiden terputusnya bekalan barang keperluan.

Bagi menangani isu kenaikan harga minyak masak botol 1 kilogram hingga 5 kilogram, KPDNHEP ingin merakamkan terima kasih atas kesudian Kerajaan menerima cadangan mekanisma pengurusan harga minyak masak tidak bersubsidi.

Kementerian akan bekerjasama dengan Kementerian-Kementerian terbabit dalam melaksanakan Harga Kawalan berasaskan nilai ambang *Crude Palm Oil* (CPO) dan memastikan harga minyak masak 5 kilogram tidak melebihi RM30.00 sebotol.

Kementerian juga menyambut baik peruntukan tambahan sebanyak RM 1 bilion bagi memastikan bekalan minyak masak bersubsidi dalam pek polibeg 1kg terjamin dan dapat dibeli dengan harga subsidi RM2.50.

Kementerian menyokong sepenuhnya Program Pemerksaan Pendigitalan Usahawan Kecil atau PUPUK dengan peruntukan sebanyak 200 juta ringgit bagi Perusahaan Mikro Kecil dan Sederhana (PMKS) dan 100 juta ringgit untuk Perusahaan Kecil dan Sederhana (PKS) bagi meningkatkan agenda digitalisasi negara.

KPDNHEP sendiri telah lama menggerakkan program digitalisasi samada di peringkat Kementerian mahupun dalam sektor perdagangan pengedaran melalui pelbagai aplikasi seperti ez-Aduan, Price Catcher, My Sales Tracker, MyHarga, Spacedeal, Chatbot Sara, ReDI dan banyak lagi.

Kementerian telah memulakan program imunisasi khusus untuk barisan hadapan ekonomi supaya negara boleh bergerak ke arah pembukaan lebih banyak sektor ekonomi apabila semua yang terlibat telah menjalani imunisasi sepenuhnya.

Secara keseluruhannya, Pakej PEMULIH ini dilihat sebagai seimbang dan bertepatan dengan situasi semasa serta dapat menjamin negara menang dalam memerangi pandemik Covid-19 demi kesejahteraan dan kelangsungan hidup rakyat.

####

**YB Dato Sri Alexander Nanta Linggi,
Menteri Perdagangan Dalam Negeri dan Hal Ehwal Pengguna
Putrajaya, 30 Jun 2021**

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampakan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusanniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

